

Ysgol Pentreuchaf

Pentreuchaf,
Pwllheli,
Gwynedd.
LL53 8DZ

(01758) 750600 / 07584613603

GethinElisThomas@gwynedd.gov.uk

Gwefan/web: www.ysgolpentreuchaf.org

twitter  @ysgolpentre

Dechrau Ysgol



Dosbarth Meithrin

"Yn y blynyddoedd cynnar, rydyn ni'n **GOŒOD Y SYLFEINI** i'r holl ddysgu yn y dyfodol"
*"During the early years, we **SET THE FOUNDATION** for all future learning"*



Annwyl Rieni,

Croeso i chi i'r Blynyddoedd Cynnar.

Croeso mawr i chi ac i'ch teulu i Ysgol Pentreuchaf. Gobeithio y cewch flynyddoedd hapus yn ein cwmni. Edrychwn ymlaen i gyd-weithio â chi er lles datblygiad eich plentyn. Mae dechrau yn yr ysgol yn brofiad arbennig. Ein nod ni fel staff, yw sicrhau bod y cam o'r cartref i'r ysgol yn un hapus i'ch plentyn chi. Edrychwn ymlaen at rannu addysg eich plentyn mewn partneriaeth â chi.

Gobeithiwn y bydd y llyfryn hwn, sy'n esbonio amcanion addysg feithrin, o fudd i chi.

Staff:

Prifathro: Mr Gethin Elis Thomas B.A.

Dirprwy ac Athrawes Blwyddyn 3 a 4: Mrs Einir Humphreys B.A.

Athrawes Blwyddyn 5 a 6: Miss Fflur Williams B.Add.

Athrawes Blwyddyn Derbyn a Blwyddyn 1: Mrs Delyth Roberts B.Add

Athrawes Blwyddyn 1 a 2 : Miss Sara P Jones

Athrawes Dosbarth Meithrin: Miss Angharad Jones

Athrawon di-gyswilt: Mrs Manon Griffith

Staff Cefnogi Dysgu ac Addysgu:

Miss Nia Hicks (Meithrin) Mrs Heulwen Hughes; Mrs Bet Richards (Cyfnod Sylfaen); Miss Julie Roberts (Cyfnod Allweddol 2); Miss Catrin Richards; Miss Sophie Underwood; Mrs Eleri Jones; Miss Delyth Trenholme; Mrs Julie Davies (Anghenion Dysgu Ychwanegol)

Amser:

Oriau'r Meithrin: 1.30 – 3.30

Mae croeso i chwi ddod i mewn i'r ysgol gyda'ch plentyn yn y prynhawn i'w helpu roi y got ar y peg ac i deimlo'n gartrefol. Rydym yn awyddus i'w hannog i ddod i mewn i'r adeilad a rhoi y got ar y peg yn annibynnol mor fuan ag sy'n bosib. Erbyn iddynt ddod i'r ysgol yn llawn amser maent yn berffaith hyderus yn gwneud hyn eu hunain.

Bydd y rhieni yn disgwyl i'r plant tu allan i'r brif fynedfa am 11 o'r gloch i aelod o'r staff eu trosglwyddo yn ôl i'ch gofal.

Dillad:

Rydym yn awyddus iawn i blant dreulio rhan fawr o'u hamser yn cael eu haddysgu tu allan drwy'r Cyfnod Sylfaen felly mae gofyn iddynt gael cotiau ac esgidiau glaw yn yr ysgol yn barhaol.

RYDYM YN HOFFI GWELD VELCRO!!

Mae carrau esgidiau yn anodd i blant meithrin. Hefyd, gall damweiniau cas ddigwydd o'u herwydd. Mae'r staff o gwmpas ond allan nhw ddim bod ym mhobman ac yn y lle cywir ar yr amserau cywir bob tro. Gofalwch bod enw clir ar bob eitem o ddillad os gwelwch yn dda. Bydd y disgyblion yn tynnu eu dillad weithiau ac os nad oes enw arnynt, maen nhw'n siŵr o fynd ar goll.

Cysylltu â'r ysgol:

Mae croeso i chwi ddod i sgwrsio gyda'r prifathro neu'r athrawon ar unrhyw adeg, mae drws yr ysgol bob amser yn agored.

Mewn argyfwng, cysylltwch â'r ysgol cyn gynted ag sy'n bosib os ydych yn mynd i fod yn hwyr yn casglu eich plentyn fel nad oes raid iddo/i boeni.

Os ydych yn newid eich trefniadau casglu, cofiwch fod **RHAID** rhoi gwybod i'r ysgol - trwy alwad ffôn neu lythyr.

Salwch ac Absenoldeb

Ffoniwch neu gadewch i'r ysgol wybod mewn unrhyw ffordd pan fydd eich plentyn yn sâl ac yna disgwylir nodyn i egluro absenoldeb pan y daw yn ôl i'r ysgol.

Meddyginiaeth

Gofynnwn i chi beidio a danfon 'antibiotics' i'r ysgol gyda'ch plentyn. Ceisiwch amseru'r dosau o gwmpas sesiynau'r ysgol. Rydym yn medru rhoi meddyginiaeth ar gyfer Asthma a chedwir hwn yn ddiogel yn yr ysgol. Gofalwch bod y pwmp Asthma wedi ei labelu gydag enw eich plentyn. Rhaid trafod unrhyw feddyginiaeth arall gyda'r athrawes.

Amser Tŷ Bach

Er ein bod yn gwerthfawrogi y gall damweiniau ddigwydd weithiau, rhaid i'r plant fod wedi eu hyfforddi i ddefnyddio'r tŷ bach cyn cychwyn yn y Dosbarth Meithrin. Os bydd damwain, caiff eich plentyn ei newid mewn modd llawn cydymdeimlad ac yn ddiffwdan. Caiff y dillad gwlyb eu doddi mewn bag plastig a bydd eich plentyn yn cael dillad glan sbâr o stoc yr

ysgol. Gofynnwn i chi olchi'r dillad a'u hanfon yn ôl atom cyn gynted ag y gallwch os gwelwch yn dda. Caiff y plant eu hannog i dynnu'r 'flush' ac i olchi eu dwylo wedi defnyddio'r tŷ bach rhag i'r germau ledu a'n gwneud yn sâl. Gwerthfawrogwn bob ymdrech i gadarnhau'r egwyddor hon yn eich cartrefi fel bod yr arfer yn dod yn naturiol i'r plant.

PARATOI EICH PLENTYN I FYND I'R YSGOL

Bydd dechrau'r ysgol yn brofiad hapusach os gall eich plentyn wneud ffrindiau a rhannu teganau'

Anogwch eich plentyn i fod yn annibynnol:

- wrth fynd i'r tŷ bach
- wrth olchi a sychu dwylo
- i adnabod ei got/shot
- wrth wisgo
- wrth roi teganau a llyfrau gadw

'Mae plant yn dysgu mwy yn eu pum mlynedd gyntaf nag ar unrhyw adeg arall yn eu bywyd!'

Gwisg Ysgol:

Bydd gwisg ysgol yn cael ei archebu drwy'r ysgol ddwy waith y flwyddyn. Yn ystod tymor yr Hydref a Thymor yr Haf.

Bechgyn

Trowsus du

Crys polo coch ysgol

Siwmpwr lwyd ysgol

*Esgidiau du

Merched

Trowsus neu sgert lwyd

Crys polo coch ysgol

Siwmpwr lwyd ysgol

*Esgidiau du

Anogir i blant yr ysgol i beidio â gwisgo gemwaith i rwystro unrhyw ddamweiniau.

Ymddygiad da

Bydd pob oedolyn sy'n dod i gysylltiad â disgyblion y Blynyddoedd Cynnar yn arddangos enghraifft dda drwy drin ei gilydd a'r plant gyda charedigrwydd a pharch. Bydd y disgyblion yn cael eu hannog i drafod eu teimladau. Cant eu harwain i ddelio â'u rhwystredigaethau a'u tymer ddrwg mewn modd cadarnhaol positif. Bydd y disgyblion yn dysgu cwrteisi gan ddweud " Os gwelwch yn dda" " diolch" bob amser. Bydd y disgyblion yn dysgu edrych ar ôl eu teganau ac offer, eu trin yn ofalus a bod yn gyfrifol am ddychwelyd eitemau i'w lle priodol ar ôl gorffen chwarae. Os bydd ymddygiad plentyn yn ddrwg iawn neu'n beryglus, bydd y staff yn gofyn iddo/i eistedd allan o'r weithgaredd a chymryd amser i feddwl yn dawel am ei ymddygiad ac i ymddiheuro os bydd angen. Os bydd ymddygiad plentyn yn achosi pryder, byddwn yn ei drafod gyda chi yn breifat cyn gynted â phosib.

Disgyblaeth

Bydd disgyblaeth yn y dosbarth Meithrin yn gadarn ond teg a chyson.

Daw plant i'r dosbarth Meithrin gydag ystod eang o batrymau ymddygiad ac mae pob plentyn bach yn dueddol o fod yn hunanganolog.

Mae plant yn aml yn cweryla ac yn dweud " dydy e/hi ddim yn ffrind i fi". Mae hyn yn rhan naturiol o ffurfio perthynas â'i gilydd- a fydd yn parhau trwy eu hamser yn yr ysgol ac ymlaen i fywyd fel oedolyn.

Gawn ni eich hatgoffa bod dwy ochr i bob stori- a chofiwch fod plant bach yn hunanganolog fel y dywedwyd o'r blaen.

Os daw eich plentyn gartre yn cwyno am blentyn arall, dewch i drafod hyn gydag aelod o'r staff. Bydd manylion yr achlysur yn debygol o fod yn wahanol iawn i stori eich plentyn.

Serch hynny, byddwn yn ymwybodol o wir bryderon eich plentyn a byddwn yn gwneud ein gorau i'w datrys ar bob achlysur.

Rydyn ni am i bob plentyn fod yn hapus yn y dobarth Meithrin.

Yn y dosbarth Meithrin, anogwn sgiliau cymdeithasol positif o rannu a chymryd eu tro. Erbyn i'r plant adael y Meithrin byddant yn gallu chwarae yn gydweithredol gyda'i gilydd gobeithio.

Rhowch wybod i ni o flaen llaw os oes gan eich plentyn problemau ymddygiadol, yn enwedig os all frifo eraill drwy eu burw, eu chwi, eu crafu, eu cicio ac ati. Gyda thriniaeth gadarn gallwn wrthbwyso'r math hwn o ymddygiad o'r cychwyn cyntaf, ond mae angen eich cydweithrediad a'ch cefnogaeth arnom.

Dysgu trwy chwarae

Defnyddir chwarae fel mynediad i bob maes dysgu. Mae'r disgyblion yn dysgu'n llwyddiannus gyda mwynhad. Trwy arwain gofalus a chwarae strwythedig bydd y staff yn defnyddio llwyddiant plentyn i gyflwyno a datblygu syniadau newydd.

Cynllunir cyfleoedd ar gyfer pob math o chwarae gan y staff a chaiff y disgyblion chwarae'n unigol, mewn paru ac mewn grwpiau amrywiol eu maint gyda neu heb arweiniad oedolyn.

Y peth pwysicaf i'w nodi yw bod plentyn yn mwynhau chwarae ac yn dysgu heb fod yn ymwybodol ei fod yn cael ei addysgu. Mae plentyn yn dysgu trwy ymwneud prysur.

Caiff eich plentyn ei annog i chwarae, i archwilio a dysgu yn ei amser ei hun. Rydyn ni'n cynnig amser, lle, defnyddiau ac offer mewn man lle gall deimlo'n hapus a diogel.

Bydd eich plentyn yn datblygu hunanhyder ac annibyniaeth wrth gael ei annog i wneud gymaint ag sy'n bosib dros ei hun.

Yn ystod bob sesiwn, bydd amser i archwilio yn annibynnol, i wrando ar storïau, i archwilio cerddoriaeth a symudiadau, i baentio, i ddarlunio, i ysgrifennu, i greu, i adeiladu, i goginio, i chwarae y tu allan, i ddefnyddio llyfrau, i rannu, i siarad a gwranddo ar eraill, i gymryd rhan mewn chwarae dychmygol, i chwarae a theganau bychain a mawr sef trenau, ceir, tai doliau ac ati.

Byddant yn cael eu hannog i sylwi ar y byd o'u cwrpas, y tywydd a'r tymhorau. i edrych ar ôl pethau byw ac i ddefnyddio technoleg.

Cofiwch, bydd eich plentyn wedi dysgu llawer mwy nag a glywch amdano ganddo.



Cyfeillion yr Ysgol

Mae Cyfeillion yr Ysgol Iwyrchus iawn yma ym Mhentreuchaf. Bydd y rhieni yn cyd-weithio yn dda gyda'u gilydd er mwyn codi arian ar gyfer adnoddau a gofynion eich plant. Mae croeso mawr i chwi ymuno â'r *Cyfeillion* a bydd llythyr neu neges tesun gan yr ysgrifenyddes i'ch hysbysu pryd fydd y cyfarfod.

Edrychwn ymlaen i gael cwmni eich plentyn yn rhan o'r ysgol a gobeithio bydd yr amser yma yn yr ysgol yn un hynod bleserus.

Yn gywir,
Mr Gethin Elis Thomas